



CHRISTINE VAN WYK TOERE
vir die fynproewer

CHRISTINE VAN WYK-TOERE

(EDMS) BPK
REG NR 94 01824/07

Oktober 2023

NADERE BESONDERHEDE

RYNVAART EN SWARTWOUD: 23 April – 3 Mei 2024 (Opsie 1)

RYNVAART, SWARTWOUD EN SWITSERLAND: 23 April – 12 Mei 2024 (Opsie 2)

SWITSERLAND: 1 – 12 Mei 2023 (Opsie 3)

OPSIES EN TOERPRYSE: Hierdie gewilde toer bied drie opsies vir 2024

OPSIE 1: RYNVAART EN 2 NAGTE IN SWARTWOUD 23 April – 3 Mei

Prys: R59 980 per persoon plus lughawebelasting en foonies van ongeveer R6 910 en koste van visum en reisversekering, wat volgens eie behoefte bepaal word (sien NIE INGESLUIT BY DIE TOERPRYS NIE).

OPSIE 2: RYNVAART, SWARTWOUD EN 9 NAGTE IN SWITSERLAND 23 April – 12 Mei

Prys: R87 980 per persoon plus lughawebelasting en foonies van ongeveer R8 030 en koste van visum en reisversekering, wat volgens eie behoefte bepaal word (sien NIE INGESLUIT BY DIE TOERPRYS NIE).

OPSIE 3: 9 NAGTE IN SWITSERLAND 1 – 12 Mei

Prys: R52 530 per persoon plus lughawebelasting en foonies van ongeveer R6 380 en koste van visum en reisversekering, wat volgens eie behoefte bepaal word (sien NIE INGESLUIT BY DIE TOERPRYS NIE).

INGESLUIT BY DIE TOERPRYS:

- Retoervlug met **Lufthansa** vanaf **Johannesburg** via Frankfurt na **Amsterdam** en terug vanaf **Zürich** met **Swiss Air** na Johannesburg (Toeropsies 1 en 2). Retoervlug vanaf Johannesburg na Zürich met **Swiss Air** (Toeropsie 3)
- Vervoer per luukse bus
- Besoek Zaanse Schans en Keukenhof (Toeropsies 1 en 2)
- Opwindende bootvaart op die Ryn vanaf Amsterdam tot in Strasbourg. Alle kajuite het buitevensters en kyk uit op die rivier. Stap verskeie kere aan wal vir interessante besoeke (Toeropsies 1 en 2)
- Twee nagte in die Swartwoud (Opsies 1 en 2)
- Nege nagte (Opsie 2 en 3) in hotel in Beatenberg
- Drie etes per dag op die boot (Opsies 1 en 2)
- Twee etes per dag in hotel (Opsies 1, 2 en 3)
- Afrikaanssprekende toerleiers vergesel groep

NIE INGESLUIT BY DIE TOERPRYS NIE:

- Lughawebelasting: Die lughawebelasting is gekoppel aan die wisselkoers en beloop vir die verskillende vlugte ongeveer R5 510
- Foonies: Toerleiers oorhandig dit namens u aan die busbestuurders, boot-, hotel- en ander dienspersoneel. Foonies per persoon:
Toeropsie 1: ± R1 400
Toeropsie 2: ± R2 520
Toeropsie 3: ± R1 500
- Visums: Vir opsie 1 benodig u 'n Duitse Schengenvisum en vir opsie 2 en 3 'n Switserse Schengenvisum. Die koste beloop ongeveer R2 140 wat aan die visumaansoeksentrum betaalbaar is. Volledige inligting oor die visumaansoekproses volg later in 'n omsendbrief
- Reisversekering, waarvoor u later volledige besonderhede sal kry
- Persoonlike uitgawes soos telefoonoproepe, aandenkings, drankies, ekstra verversings ens.
- Paspoorte – verkryging daarvan

Posbus 17203 | Pretoria-Noord | 0116

Tel: 012 546 4967 | Faks: 086 530 2326 | E-pos: info@toere.co.za | Web: www.travelentoer.co.za

- Vervoer na en van SA lughawens
- Binnelandse aansluitingsvlugte na O.R. Tambo-lughawe (indien van toepassing)
- Opsionele daguitstappies in Switserland
- Enkelverblyfbybetaling by benadering (indien van toepassing). Sien volgende punt.
- Opgradering na middeldek: R2 268 pp
- Opgradering na boonste dek: R2 650 pp

ENKELVERBLYF

Toerlede kan enkelverblyf op die boot asook in die hotel in Switserland kry, mits hulle bereid is om 'n bedrag by te betaal:

MS Europe bootvaart (Opsies 1 en 2)	R8 610 (Standaard dek)
Hotel in Swartwoud (2 nagte):	R 600
Hotel in Switserland (9 nagte)	R4 200

Dus:

Toeropsie 1: R9 210

Toeropsie 2: R13 410

Toeropsie 3: R4 200

Alternatiewelik kan u versoek om met een van die ander enkelopende toerlede 'n kajuit/kamer te deel, indien u nie die enkelbybetaling wil maak nie.

INSKRYWING

'n Inskrywing is eers geldig wanneer ons u Inskrywingsvorm, Vrywaring en deposito ontvang het. Die Inskrywingsvorm moet volledig voltooi word met u **volle name soos dit in u paspoort verskyn!**

Nadat u ingeskryf het, ontvang u Omsendbrief 1 met alle nodige besonderhede in verband met klere wat u moet saamneem en dies meer. Daarna ontvang u nóg omsendbriewe met nuus en inligting.

BEREKENING VAN TOERPRYS

'n Toerprys bestaan hoofsaaklik uit die koste van die vliegkaartjie plus die landreëlings en kan aangepas word indien omstandighede buite ons beheer dit noodsaak. Die vliegkaartjie se prys verander nie. Die lughawebelasting kan verander aangesien dit aan die wisselkoers en brandstofpryse op die dag van uitreiking gekoppel is.

DEPOSITO

Die Toerdeposito beloop **R10 000 per persoon**.

FINALE BETALING

Die volle toerprys plus alle ander geld (fooitjies, versekering ens.) vir die toer moet vóór **5 Januarie 2024** betaal word. (Tref asseblief vroegtydig die nodige reëlings dat u geld betyds beskikbaar is.) **LW: Soos met alle toere, is die prys van dié toer gekoppel aan faktore buite ons beheer wat die toerprys en toerprogram kan beïnvloed.**

WYSE VAN BETALING

- Vliegkaartjies en lughawebelasting kan per kredietkaart of direk aan CvW-Toere betaal word. U sal op die Vliegkaartjiesbestelvorm wat u met Omsendbrief 1 ontvang, u keuse van betaling kan invul.
- **Bankdeposito/EFT:** Die res van die toerprys (landreëlings) word direk aan Christine van Wyk-Toere betaal deur inbetalings/elektroniese oorplasing, **nadat u inligting in 'n omsendbrief daaroor ontvang het.**
- **Kontantinbetalings:** Alle geld wat in banknote inbetaal word, moet die ekstra kontantinbetalingskoste insluit. Vra asseblief u bank hoeveel dit beloop (ongeveer **1% van die inbetalingsbedrag** kan hiervoor begroot word).

Bankbesonderhede:

Christine van Wyk-Toere

Standard Bank Tjekrekening (Lopende rekening / Current account)

Takkode: **051001**

Tjekrekeningnommer: **410 722 782**

NB: Gebruik u voorletters en van as verwysing (nie die toer se naam of u noemnaam nie) **met betalings!**

KANSELLASIE

Indien u genoodsaak is om u toer te kanselleer, geld die volgende voorwaardes en terugbetalings:

Ingeskrewe toerlede wat vóór **5 Desember 2023** skriftelik kanselleer, kry **R9 500** per persoon van die toerdeposito terug. Toerlede wat **daarná, tot 5 Januarie 2023** kanselleer, kry **R9 000** per persoon terug. Indien 'n toerlid genoodsaak is om vanweë siekte te kanselleer voordat die finale toerprys betaal is (dit wil sê vóór **5 Januarie 2024**), word die volle deposito minus R500 per persoon by voorlegging van 'n doktersertifikaat terugbetaal.

Sodra die nodige reisversekeringspolis wat vir kansellasedekking voorsiening maak uitgeneem is, kan u, indien u moet kanselleer, u geld vanaf die versekeringsmaatskappy terugeis. Dit geld slegs indien die rede vir kansellasië kragtens die polis aanvaarbaar is. Volledige besonderhede oor reisversekering word aan almal wat inskryf, gestuur.

Toerdeposito's van toerlede wat kanselleer, word terugbetaal sodra CvW-Toere u volledige bankbesonderhede skriftelik ontvang het.

VLIEGKAARTJIES EN EIE VLUGTE

Alle vliegkaartjies word deur **FERNWEH TRAVEL** uitgereik. Die toerprys sluit vliegkaartjies in, maar nie lughawebelasting en binnelandse aansluitingsvlugte na en van Johannesburg nie.

Indien u nie die groepvlug gebruik nie, kan die koste van die groepvliegkaartjie van die toerprys afgetrek word. Die afslag ter sprake is:

Toeropsie 1: R11 940

Toeropsie 2: R12 950

Toeropsie 3: R14 780

Konsessiehouers en persone met eie vlugte kan hulle in Amsterdam, of waar elders ooreengekom, by die toergroep aansluit

DIE BOOT

Die **MS Europe** se kajuite is op verskillende vlakke. Die dubbelkajuite is ewe groot met goeie uitsig na buite. Die kajuite het twee enkelbeddens en ingeboude kaste. 'n Aparte badkamerarea in elke kajuit beskik oor 'n stort, wasbak en toilet. Haardroërs en kluis is in al die kajuite beskikbaar. **Kajuite word toegeken volgens die datum van inskrywing.** 'n Mens is bedags selde in jou kajuit. Terwyl die boot vaar, kuier almal gewoonlik heerlik in die ruim sitkamer of op die dek. Die sitkamer het gemaklike stoele en die omgewing kan van daar deur die groot vensters bekyk word.

WEGBREKERS

Dit is moontlik om voor of ná afloop van die toer op u eie te reis (met ander woorde van die bestaande toerprogram weg te breek). Die lugdiens hef 'n wegbrekersfooï van ongeveer R500 indien u u groepvlug wil aanpas.

PASPOORTE (DRINGEND!)

Maak asseblief seker dat u paspoort vir minstens 3 maande ná u terugkeerdatum uit Europa geldig is. Daar moet ook genoeg skoon bladsye, vir veiligheid minstens drie, in u paspoort wees. Dit is vir visums en doeanestempels.

MINDERJARIGES WAT SAAM MET U REIS (Indien van toepassing)

BAIE BELANGRIK: Alle visumaansoeke vir minderjariges moet saam met 'n oorspronklike *unabridged*-geboortesertifikaat ingedien word. 'n *Unabridged birth certificate* verskil van die standaardgeboortesertifikate wat deur Suid-Afrika se Departement van Binnelandse Sake uitgereik word. Dit bevat onder andere die kind asook albei ouers se volle name en identiteitsnommers op één, amptelike dokument.

Kontak ons indien u beplan om minderjariges saam met u op reis te neem.

GESONDHEID EN TOERFIKSHEID

Dit is vanselfsprekend dat iemand wat oorsee wil reis, se fisieke en emosionele gesondheid van só 'n aard sal wees dat hy/sy redelik onafhanklik oor die weg kan kom.

Hierdie toer is nie veeleisend nie, maar **toerlede wat nie onafhanklik oor die weg kan kom nie, moet 'n toermaat/familielid saamneem wat hulle kan help en na hulle kan omsien** sodat hulle nie heelyd van mede-toerlede afhanklik sal wees of die groep se belange op enige manier benadeel nie.

Basiese riglyne vir toerfiksheid is dat 'n mens onafhanklik in-en-uit 'n toerbus moet kan klim, onafhanklik 'n stel van 15 trappe, insluitend roltrappe, kan klim en jou eie handbagasie kan hanteer. U moet bereid wees om op eie koste 'n huurmotor te gebruik indien 'n besoekpunt tydens die toer vir u te ver is om te stap.